

沈乃文 主編

明別集叢刊 第一輯

第九十五冊

黃山書社




沈乃文 主編

明別集叢刊 第一輯

第九十五冊

黃山書社



(明)何瑋撰

何文定公文集十一卷

明萬曆四年賈待問等刻本

重刻何文定公全集序

嗚呼。此何栢齋先生之所著也。先生平生學以德行自任。耻列文學科。原其志。蓋亦矯時救弊者也。故其詩不及唐。文不及漢。議論彷彿宋儒。夫以先生之才之美。豈真果若是哉。其志固有在也。故曰。六經先王之陳迹。古人與其不可傳者死矣。垂於竹帛者。其糟粕也。讀是集者。尚當以顏閔無所著作。想像先生。勿曰先生之文止於是焉而已。斯集也。

何文定公全集序

前一

鄭王殿下始校編刻之。池州太守衛源馬公復校編重刻焉。暨予重編定。始終凡三刻。茲本一予所校者也。然數本篇目增損靡同。蓋先生生前不留手稿。寄人詩文多摺拾諸收藏之家。至於真贋莫辨者。間有之。故士君子知先生者。不以文集輕重焉。

夫先生大名大節。著在國史。舉世孰不仰之。此集誠美物於先生何有。孔子曰。辭達而已矣。又曰。予欲無言。先生之意蓋如此。子貢曰。子如不言。則小子何述焉。是校編諸君之意。及予拳拳仰慕之心也。賜進士中順大夫知懷慶府事前吏禮刑三科左給事中威縣後學賈待問譔

何文定公全集序

前二

何文定公傳

賜進士第中憲大夫都察院右僉都御史儀封後學張鼎撰

公諱瑋字粹夫世號為栢齋先生其先楊州如皋人洪武初有忠一者以總旗從天兵北定中原歷河南懷慶衛編管三傳至森配劉氏以成化甲午十月二十九日生公於武陟縣千秋鄉屯舍公生而端凝不事嬉戲人

何文定公集傳

謂為癡兒七歲時入郡城忽見其家有彌勒佛塑像乃抗言請去之人皆大駭十歲讀書十九為郡庠生必期以聖賢之學為學嘗曰許文正薛文清二先生世未遠而居又甚于此忘所師法學其謂何故于一言一行必求聞于父老力索于遺書有得則欣然忘寢食而從之弘治辛酉河南饑

解第一壬戌登進士第改翰林庶吉

士嘗為閣試克已復禮為仁論有曰仁者人也禮則人之元氣而已見侵于風寒暑濕者也人能無為邪氣所勝則元氣復元氣復而其人成矣識者謂可與程明道顏子所好何學論相比方成化以前文章以懷麓堂為宗匠至是人頗厭其纖靡而競為復

何文定公集傳

古之業公曰文章不逮古昔固為要切而人心尤甚乃獨務已舊所謂學以要其必至甲子授編脩丙寅教皇帝踐阼公因新政抗疏乞復史職不報戊辰同考會試已已孝廟實錄成晉脩撰時逆瑾煽虐如焚一日瑾贈川扇于諸翰林諸翰林有入而曉見者公獨長揖瑾怒亦不

以贈項之受贈者復相跪謝公傍正色曰何跪而又跪也瑾大怒詰其姓名公自前對曰脩撰何瑋公知必不為瑾所容乃累疏謝病得致仕歸庚午瑾伏誅辛未復公原職時四方盜起公入朝獻時政論三篇又為兵論五篇以貽執政又疏請籍沒賊吏以杜禍原皆議格不報癸酉以

有文定公集卷十一

二

經筵觸悟忌諱謫同知開州為三比法以均賦役督脩黃陵岡堤岸能使子來之衆以日易月晉東昌府同知再乞歸既歸居城南別業八年杜門却掃不接外事壬午

肅皇帝嗣位起公為山西按察司提學副使以父憂不就癸未再起提學浙江至則抹撥舉業捷徑華靡之習務敦

尚本實浙士風丕變未幾晉南京太常寺少卿時甘泉淮公為祭酒杏東鄭公為司業公力與脩明古大學之法其贈杏東之言曰古之君子何為而學也以脩齊治平而學也則當務之急固在身如何而脩家如何而齊國如何而治天下如何而平細而言語威儀大而禮樂刑政此物之當格

何文定公集卷十一

而不可後焉者也轉學而審問焉懷思而明辨焉一旦卓有定見則所謂勸格而知至矣由是而發之以誠主之以正然而身不脩家不齊未之有也大學之道如是而已矣至究其本原為性命形於著述為文章固非二道持其緩急先後各有次第不可紊耳今之君子不察乎此刻意詩文則

曰立言不朽此豪傑之所以名當時而傳後世也留心性命則曰無極二五窮神知化此大儒之所以繼往聖而開來學也至有偽起捷徑之學者則又曰理出於心心存則萬理備吾道一貫此聖人之極致也奚事外求噫為是論者皆天下豪傑之士也吾豈敢謂其不然哉特恐其脩齊治平

愈竟全之集傳

王

之道反有所畧則所學非所用所用非所學於古人之道不免差矣又贈兵侍陳公有曰嘉靖政元石峯先生以右副都御史巡撫江西明年政南京大理卿又明年政南京兵侍予于是有感焉古稱才難全才尤不易得唐虞之際命官九人固皆極天下之選也然而興禮興樂掌教掌刑皆久

于其職有終身不易者豈非以其才性各有所長職業各有所習兼金之難故也至于內總百揆出總六師土地山澤無所不掌惟禹益為然全才之不易得如此近日當道用人司錢穀者未久復改之司民牧計資遇缺而遷初不問其所長所習無乃以全才待

愈竟全之集傳

六

天下士乎其意曰厚矣所慮全才不可多得用違其長則王良操弧伯羿執轡非惟無成且以敗事是故不可不深長思也云云時人稱為留京兩篇文字丁亥晉本寺正卿再晉南京工部右侍郎

奏革

神帛堂各

宮監機戶夫匠料銀歲省以數萬計政
工部未幾改戶部特修葺梁公為太
司徒二公一時冰蘖清操真足以廉
頑立懦

宮府舊習積敕皆湔礪無餘再改禮部
再謝病歸遂為終焉之計會御史毛
鳳韶等累疏乞留畧謂斯人不可使
一日去國

何文定公集卷十一

詔許在京調理又晉南京都察院右都御
史掌院事竟不復就是時南有王陽
明北有許函谷皆以道學爭名于時
而公獨默如日事二親躬營菽水率
其家之子姓及鄉閭後生以脩孝弟
忠信一介非義取與不入于衡茅雖
其茅屋數間僅可以蔽風雨薄田餘
百畝不足以供饘粥而日與其父母

妻孥熙怡順適迥然若廣厦萬鍾而
不復知世間之有榮貴兩執親喪皆
哀毀頻死數四若不能更生於常非
法日用躬行者絕不形于言議門人
有問太極陰陽之說者曰只以伏羲
八卦橫圖豎而觀之則易之所謂太
極動靜之所謂有常更易簡可見而
周子可無事于圖矣有問律呂之說

何文定公集卷十一

者曰只以舜典詩言志歌永言聲依
律和聲十二字而驗于今俗樂之詞
曲與唱詞曲及唱詞曲時必吹竹彈
絲相應與夫宮凡上工合四為板眼
之遺法以求之至明白可見而蔡氏
可無事于新書矣有問一貫約禮之
說者曰儒者未得潛夏之十一而
即過顏魯以聖賢心法為初學口

何文定公集傳

九

耳此道聽塗說之最可惡者門人妻
樞王西星嘗請梓公文錄公曰其可
聖賢之道昭在六籍如日星後學愧
不能知而行之自宋以來儒者之論
方苦太多此吾之所深懼也其可其
可故惟均後均糧二論家譜家訓二
篇儒學醫學管見皆切關世務者門
人因得哀集之有贊公者曰先生真
可謂銖視軒冕塵視金王者公曰此
後世儒者輕世傲物之論也金玉自
是金玉如何塵視得軒冕自是軒冕
如何銖視得此何異于老莊蕩狗飄
瓦西星輩曰如是孔子何以謂富貴
如浮雲曰不義而富且貴於我如浮
雲浮雲在不義不在富貴也家居十
餘年薦揚者二十餘疏嘉靖二十二

何文定公集傳

十二

一百年惟河東薛文清公為篤行醇
儒然而克守文清之典刑者粹大也
及仕遊兩京更聞士大夫公論品評
與疇昔無異又聞中林公對山嘗數
為鹵言當栢齊時以講學名者皆務
為高論以爭相陵駕人惟見栢齊不
言而躬行則挽首退讓及關中馬公
谿田却謂公致政家居時東南學者
因象山慈湖之學入于達磨之門更
相傳習公力距而闢之夫在對山則
謂公之高正在于無言在谿田則謂
公之功不待于有言以此觀之若吾
人實行不脩而徒喋喋然與人以角
是非同異之辨誠多言矣哉誠多言
矣哉

栢齋文集敘

粵在昔結繩而治。書契作。則簡策繁興。於道爲
阨。今書出墳。詩刪逸。俾載道而合情。聖人尊德
尚行。示人以本。言罔忠信弗言。行罔篤敬弗行。
有作有述如之。是故厥聲達。厥聲和。其感深。其
行遠。世衰道微。橫議亂真。瑣言畔道。文華喪厥
實。詩過情失中。繼聖者起。必辭而闢之。吾地栢
齋何公。罔干譽瀆貨。罔悖道以駭俗。不挾貴挾
樸。齋先生序

十二

執進退惟禮義。厥集具在。其言直而暢。渾而理
論詳且確。詩正以和。文質維鈞。沒世未泯。誦詩
讀書。又論其世。論君子非與。言行既弗違。則集
知必傳。傳知必永也。劉才父氏所携。及栢齋子
光祖家說稿。余併校定。爲篇二百八十。有六。爲
卷十。凡閱歲而梓人告成事。

嘉靖己酉春二月望日

鄭王序

全集序

栢齋何先生吾鄉偉人也。奮起河內。倡明理學。
自直史館至貳秩宗。殆三十餘年。退處山林者。
半海內學士翕然稱之。予童時嘗好觀鄉先達
長老考其行事。一日侍先大夫語及栢齋先生。
以爲篤行君子也。訢訢慕焉。俟稍長。當執經以
從。後予舉進士。讀書中秘。而先生已即世矣。入
院見其題壁有綺麗戒浮薄。淳樸還古風之句。

何文定公文集序

十三

慨然咨嗟。想見其爲人。及得史議覽之。上下古
今。通達政體。疊疊乎懷經國之猷。而惜未覩其
全也。先生門人憲副次山劉君嘗取其集。間以
示予。讀之作而嘆曰。先生之學粹然出於正矣。
聖遠言湮。真儒不作。近世學者其弊大矣。有三
擅著作者。彫鏤心腑。銳情詞賦。徒以華言俊語
求振於作者之林。是謂文詞之學。尚通顯者。姸
阿脂韋。與時浮沉。獵取聲華。以託附於中庸是

謂功利之學談性命者藉其師說自立門戶習於簡易飾怪談空往往自軼於繩墨是謂玄虛之學夫文詞功利其失易辨也惟玄虛之學專求於心似乎得其本者然不知人心無外廣大高明何所不有理雖具於心而是包乎天下國家之大學雖存乎心而未始遺夫講明討論之功彼徒以事心爲名號於人曰此道學也其不流於禪而誤後學者幾希嗟乎學術不明豈非

前文公文集序

十四

賢者之過與先生論學一以大學爲宗而用力之始必由格致凡義利取舍之辨修齊治平之方與夫紀綱因革閭閻疾苦皆物之所當格者也必本於身心稽之經史參於國家典章憲令周知天下之務而體驗之蘊之爲德行施之爲事業而明德新民之道始全此正學之宗旨也先生平生所學盡在是矣他日送湛甘泉敘曰甘泉以存心爲主予則以格物致知爲先非存

心固無以爲格致之本物格知至則心之體用盡備實有交養互發者焉其推明學術每如此故論者謂其高不涉虛卑不入俗真得二程之緒而羽翼斯道又與許魯齋氏同功且當逆豎日含天憲士夫中禍先生正色立朝獨抗禮不屈經筵進講侃侃多所規諫至辭受去就之間一惟裁之以義居家蕭然曾不嬰情蓋養之有素而學之有得也視世之大言無當以欺人者

何文正公文集序

一五

不可同日語矣斯所謂篤行君子哉使獲究其用將有旋轉乾坤扶翊皇極之理惜也道不大伸於時而遺文僅傳於後予生也晚雖不得及門而請其說今猶幸讀其書焉善學者亦惟求其心考其行已矣予特論而著之嘉劉君表章之志而因以勗吾黨之士云

壁之六出身山西布政使司左布政使前翰林院
應吉士湖廣四川巡學副使洛陽後學見三樂議

何文定公文集序

栢齋先生者昭代之歸臣也自章句之習崇而學或鮮於知德自青紫之趣深而仕或舛於行義蓋流風相沿蔓草相襲有莫知其所以然而然者矣士當其時雖號爲有志其所識踐猶不免於夾雜何也道之不明與不行也擇守之無豫也可勝惜哉先生崛起河山之陽獨

何文定公文集序

十六

曉然力究聖學敷陳王道於道德性命之微禮樂倫制之大辭受取予之節出處進退之機審固閑定確乎其不可拔於是海內稱理學者推元生云先生遇孝宗朝蜚英館職遠事武皇帝日進講經筵讜論訛謬要在親賢遠奸敬天恤民雖權倖側目而道不少屈今

上御極起用舊儒而先生歷臺省大位却

守在留都竟謝病去以故道不大伸然其情志之端言行之槩亦往往見諸著作先生端默簡淵固不攻文與詩然理散乎辭自爾條貫氣馭於聲無不諧美者矣故海內慕先生弗克由見咸欲見先生之遺章緣平居罕以示人斯刊布未廣近次山劉君始廣師門之傳錄其

栢齋先生序

十七

所述又列系理學名臣之書令潛德之光與辭文清等後先相望庶天下後世知昭代儒臣在河內復有斯人焉其於風教厚矣前河南左使天胤敘曰元儒臣許魯齋亦河內人先生嘗論其上接考亭之統學以躬行爲急而不徒事乎言語文字之間道以致用爲先而不徒極乎性命之學其所得者蓋純乎正而

不可加矣嗟乎據其說以觀先生之純
正視魯齋奚愧焉故今謂栢齋接魯齋
之統可也遺文九卷詩一卷都爲一集
夫詞人之語麗淫而經師之言典則緣
情之靡易趨而根心之粹難測覽者宜
有以自得之嘉靖壬戌之秋九日會次
山按節汾郡因出此語就正且奉命焉
次山曰可

何文定公文集序

河汾後學孔天胤譔

栢齋先生文集序

當代修詞之士吾於河北得二人焉在覃
懷則栢齋何先生塘安陽則後渠崔先生
銑云二先生者詞各有造皆砥德礪行言
由性出其機杼不同同歸於達理已爾崔
詞弗論何先生者襟易人也性天惻惻了
無外慕雖官禁近不忘畎畝旋仕旋隱澹
然初服故其所製坦率直陳引經據史徑


栢齋先生序

十九

切不謬乃若告

君之詞則恭而質臣時之詞則明而該規
訓之詞則剴而諒祝頌之詞則美而戒要
之不詭於時不戾於古不隱贖以爲奇不
採掇以爲富孔訓有言詞達而已先生蓋
有所宗焉故論者尚之曰太羹不和味之
至也太音希聲樂之始也賁白無文彩之
極也其真知先生者哉鳳翔郡守劉君涇

學於先生亦既入室環藏所集垂示世代
斯亦懲末流之浮靡從先進之惇慤耳問
序許生聊復申白如此乃先生仕履世行
具列碑傳有所考徵茲得從畧云
嘉靖戊午三月之朔
賜同進士出身嘉議大夫都察院右副都
御史西京許宗魯謹



何文定公文集序

二十

何文定公文集目錄

卷之一

講章

尚書

奏議

史職議

戰船議

織造議

民財空虛之弊議

奏疏

何文定公文集

東昌同知乞致仕狀

東昌再乞致仕狀

禮部再乞致仕狀

禮部致仕謝恩疏

禮部三乞致仕狀

辭免寧都察院狀

表

恭上皇考獻皇帝

徽號賀表

徽號賀表

徽號賀表

卷之二

宗藩孝行序

宗藩趙王孝行序

鄭王加冠序

大司空靜菴胡先生改左副都掌院事序

兵侍石峯陳先生考績序

贈都察院右副都御史中臺張先生巡撫遼東序

序

仰止黎先生改北京通政提督騰黃序

何文定公集目錄

湛甘泉考績序

少司成郭杏東考績序

賀大司徒韓老先生壽八十序

贈太宰王峯朱先生致仕序

司空何燕泉先生養病序

贈少司空信山韓先生致仕序

贈石龍黃先生致仕序

御史司馬魯瞻之湖廣祠卷序

洛陽吳壽夫考績序

卷之三

贈許都事序

贈方憲公推陝西撫民恭議之序

贈金憲公推陝西撫民恭議序

南京刑部郎中劉振道擢山東恭議序

周侍御僉憲河南序

贈陝西僉憲張履謙之任序

贈郝玉卿四川僉事序

葉正郎出守廣南序

黃掌科出守嚴州序

王侍御出守汝寧序

何文定公集目錄

司馬公改守嘉興序

張推守陞汝寧貳守序

孟縣劉大尹獎勵序

脩武冷大尹獎勵序

絳縣二尹審文威之任序

朱二尹致仕序

卷之四

贈王邦佐分教汝寧序

蔣教授改任序

致仕文安縣主簿孟公夫補九十序